

卷一 函 卷六

瓊英閣珍藏



元刊馬氏南唐書

題 鈞翁書



愛日

精廬散逸





南唐書序



傳曰太熙之後述史者幾乎罵矣  
 唐季五代大盜割據各有史而  
 太熙之風往往有之南唐寔滅史  
 官高遠慮貽後悔悉取史草焚之  
 而死徐鉉湯悅奉  
 太宗皇帝勅追錄所聞而忘遠取





近率皆踈略先祖大博元康世家金

陵知多南唐故事旁搜舊史遺文

并集諸朝野之能道其事者未及

撰次遽捐館舍今輒不自料纂先

志而成之列為三十卷雖有愧於

筆削而誅亂尊王亦庶幾焉崇寧

乙酉春正月陽羨馬

令



南唐書序

馬令撰



嗚呼五代之亂符璽竊於大盜中國變於夷狄  
先王之禮樂制度掃地盡矣李氏初據江淮建  
唐廟以隆親與夫祖契丹而絕其父者孰題始  
郊祀於圓丘與夫尚野祭而焚紙紙者孰重五  
代之君若彼南唐之制若此則正統疑於不存  
而僭竊疑於無罪也予作此書尊天子於中原  
而僭偽之事則不為南唐諱者豈無意哉蓋尊  
天子所以一天下之統書其僭所以著李氏之



罪其統既一其罪既著則竊土賊民者無遁刑於天下後世矣昔孔子作春秋非徒載其陳言也竊取其義以為人道之大法而已予之所論有合於此者弗可不察也王通之作元經第以進退南北而亂其正統輒自比於孔子曰春秋元經於王道是輕重之權衡且孔子所書彼善於此則有之而正統常在於周通之所書者宋魏之間其統未嘗一也使後世擾擾而不知其正者必自通始嗚呼法春秋而不知春秋之法者豈特王通乎

南唐書目錄

卷第一

先主書

卷第二

嗣主書

卷第三


嗣主書

卷第四

嗣主書

卷第五

後主書





卷第六

女憲傳

元恭宋后

种氏

光穆鍾后

昭惠周后

周后

保儀黃氏徐主

永興公主

余洪妻鄭氏附

渤海吳媛附

卷第七

宗室傳

楚王景遷

晉王景遂

齊王景達

江王景湯

太子真

慶王茂

韓王從喜

鄧王從益

吉王從諫

從度傳亡

從信傳亡

宣城公偕

卷第八

義養傳

徐宣祖

徐知訓

徐知詢

徐知誨

子景遠

徐知諫

徐知證

徐知諤

卷第九

列傳

周本

李德誠

王輿

李章

王安

常建

高審思

卷第十

列傳

李建勳

常夢錫

嚴績

潘審祐

游簡言

張廷翰

徐玠

李美鄴



卷第十一

列傳

刀彥能

周宗

馬仁裕

何景殊

柴堯宏

劉宗俊

王崇文

邊鎬

卷第十二

列傳

盧文進

李金全

王彥儔

林仁肇

陳誨

申屠令堅

卷第十三

儒者傳

韓熙載

江文蔚

高越

孫鈞

卷第十四

儒者傳

劉洞

江為

汪台符

史虛白

郭昭慶

康仁傑

伍喬

周彬

夏寶松

徐錯

卷第十五

隱者傳

江夢孫

沈彬

陳貺

陳陶

許堅

毛炳

顏詢

鄭元素

卷第十六

義死傳



劉仁膽 孫晟 張彥能 鄭昭業附

卷第十七

義死傳

皇甫暉 孟堅 陳喬 劉彥貞  
朱令贇 胡則

卷第十八

廉隅傳

姚景 魯崇範 馬文義 許規  
苛政傳

張宣 李德柔

卷第十九

著死傳

褚仁規 王廷封 范仲敏附 李德明 皇甫繼勳  
鍾謨 張巒傳 鍾謨附 潘佑 李平

卷第二十

黨與傳

宋齊丘

卷第二十一

黨與傳

陳覺 李微方 馮延巳 馮延魯  
魏岑 查文徽

卷第二十二



歸明傳

蕭儼

劉承勳

邵拙

舒雅

盧絳

劉茂忠

李元清

陸昭符

卷第二十三

歸明傳

朱弼

孟濱于于歸唐

潘賁

蒯鰲

羅穎

盧郢

丘旭

黃載

湯悅

張洎

徐鉉附

卷第二十四

方術傳

吳紹

木平和尚

李冠

道士譚紫霄

潘辰

女冠耿先生

卷第二十五

談諧傳

中浙高

李家明

楊名高

王感化

彭利用附

卷第二十六

浮屠傳

小長老

北僧

玄寂

應之

妖賊傳

張遇賢

卷第二十七



叛臣傳

劉澄

朱元

劉從効附

卷第二十八

滅國傳

閩王氏

殷

卷第二十九

滅國傳

楚馬氏

卷第三十

建國譜

世系譜

南唐書目錄終

元 鍤善本

道光庚寅白露節

桐城女士方若蘅讀



南唐書卷第一  
先主



土運中圯諸侯跋扈基構自吳紹于唐祚作先主書

先主姓李唐宗室裔也小字彭奴其父榮榮之父志志之父

超超蚤卒志為徐州判司因家焉榮性謹厚通于世亂悔亦

民間號李道者彭奴以光啓四年生於彭城誅名敬流寓濠泗

吳武王揚行密克豪州府之奇其狀貌養以為子而揚氏諸

子不能容行密以乞徐温乃姓徐名知誥温嘗夢水中黃龍

十數温獲一龍而寤翌日得知誥知誥奉温以孝聞走温出不

如意扶而逐之及歸拜迎門温驚曰爾在此也知誥泣曰為人

子捨父母何適父怒而歸母子之常也温由是愛之逮壯

通。



身長七尺廣額隆準精彩鑠人語聲清暢常緩行從者  
闊步不能及相去此龍行虎步也從溫攻伐身先士卒為  
樓船軍使以舟兵屯金陵柴舟用攻宣州用其兵殺李遇以  
功拜昇州刺史時江淮初定州縣吏多武夫務賦歛為戰守  
知誥獨好學接禮儒者能自勵為勤儉以寬仁為政遠近嚮  
風郡政大治徐溫鎮潤州以昇宣帶池黃為屬溫聞知誥理  
昇州有善政往視之見其府庫充實城壁修整乃徙治之而  
遷知誥潤州刺史知誥初不欲往屢求宣州溫不與時溫嫡子  
知訓為淮南節度副使秉國政知誥至京口不樂既而知訓  
為朱瑾所殺溫居金陵未及聞知誥居潤州近廣陵得先  
聞即日以州兵渡江定亂遂為淮南節度副使溫至以次子

知詢等皆用少知誥猶愈於他人因留輔政宋齊立曰潤州  
之命實天贊也初徐氏諸子不齒知誥而知訓尤恃嘗召知  
誥飲酒伏劔士欲害之行酒吏刁彥能酒至知誥以手爪拍  
之知誥悟起走乃免後日誥自潤州入觀知訓與飲於山禿  
寺又欲害之徐知諫以謀告知誥知誥起遁去知訓以劔授刁  
彥能使追殺之及於中金而還紹以不及由是得免及知  
訓死溫意潤州預謀就知訓解有土室繪畫溫教身被五木  
諸弟皆執縛受刑而畫知訓衣冕正座皆署其名溫見之唾  
曰狗死遲矣知誥因得疏其罪惡由是內外全活者甚衆而  
死者備教家知訓與僧修睦親狎將偽讞教紙皆修睦手書  
溫求修睦殺之越人寇毗陵溫伐越知誥以王府兵會戰於



無錫前軍敗賊乘之甚急温暴得熱疾不能治軍知誥率所  
領疾戰大破之斬首數千級越人素輜重夜遁時四境底定  
推越人為梗因此請平而兵甲遂戢知訓之用事也常陵弱  
楊氏而驕侮諸將遂以見殺及知誥秉政乃寬刑法推恩信  
起延賓亭以待四方之士引宋齊丘駱知祥王令謀為館客  
士有羈旅於吳者皆齒用之常陰使人察視民間有凶荒匱  
乏者賙給之盛暑未嘗張蓋操扇左右進蓋必却之曰士衆尚  
多暴露豈何用此以故温雖逆秉大政而吳人頗歸知誥武  
義元年拜左僕射知政事斷復朝廷紀綱修典禮舉法律以  
抑強暴中外謂之政事僕射温行軍司馬徐玠勸温以己子  
代知誥温遣子知詢入廣陵謀代知誥秉政會温病卒知

詢奔還金陵嗣温為節度使諸道都統所為多不法常謀知

誥知誥使諭之入朝遂留為左統軍吳王僭帝號改元乾貞

知誥欲自尊大故奉楊溥尊號知誥累遷侍中中書令大尉都督

中外諸軍事封潯陽公改封豫章公大和三年公出鎮金陵如

温之制以長子景通為司徒平章事居中輔政以王令謀宋

齊丘為左右僕射同平章事四年封公為東海郡王五年進

封齊王始書小字書名號而六年召景通至金陵為鎮海軍節

度副使以其次子景遷為太保平章事與令謀等秉國政天

祚元年王進位太師天下兵馬大元帥二年景遷病以次子景

遂為門下侍郎叅知政事冬安遠軍盧文進來降三年潤

越諸國皆遣使勸進人望已歸於是加殊禮建國齊置宗廟



以宋齊丘為左丞相徐玠為右丞相冬十月受吳禪攝太尉揚  
璘奉上帝璽綬國號大齊改元昇元策吳主曰受禪者臣  
知誥謹上策皇帝為高尚思玄弘古讓皇帝追尊考溫為  
武皇帝自溫以上不追尊則復姓之心見矣子景通吳王景遂壽王景達信王弟知  
證江王知諤饒王以建康為西都廣陵為東都十有二月己卯  
朔日有白虹二以揚州海陵縣為泰州割泰興鹽城興化如臯四  
縣屬焉以海陵制置使褚仁規為刺史廬州周本卒凡書其州其人皆其節度使  
帝撥視朝一日食不舉樂書帝者以見其備極惡重也甲午皇后宋氏  
受寶冊是歲閩王昶貢方物于京師天子使散騎常侍盧損  
如閩冊昶閩王不受閩自鑄已借帝號改元矣既稱靈故不受王爵凡書京師皆中原也書天子尊正統以別諸國備為  
二年春三月壬子日有白虹二壬申大星流于東方夏四月

遷讓皇于丹陽以王輿為浙西節度使留後馬思讓為丹陽  
宮使以嚴兵守之徐氏諸子屢請帝復姓帝謙抑不忍忘徐  
氏思下其議百官百官皆請乃復姓等改名昇國號本唐遂  
考服屬當建王恪後建唐廟祀高祖太宗以下如唐舊典追  
尊建王恪為孝靜皇帝廟號定宗起為孝平皇帝廟號成  
宗志為孝安皇帝廟號惠宗榮為孝德皇帝廟號慶  
宗奉徐氏武皇廟號義祖徐氏王如初諸孫皆郡公女郡縣主  
齊臺門下侍郎張君詠中書侍郎李建勳皆平章事吳中書  
侍郎張延翰為右僕射平章事以虔州李章鎮廬州神武統軍  
王安為百勝軍節度使秋七月一時無事則書首月冬十月戊寅天子受徽  
號于契丹曰英武明義白皇帝尤非常故書錢元瓘以嘉興縣為秀州十有



一月以步騎八萬講武于銅橋賜將吏以下金帛有差讓皇殂帝率百官素服哀臨命有司供具如吳舊禮謚曰睿十有二月福州亂建重遇弒其君祖五王子曦王子延政爭立於是僭位于建州國號大殷他國志書者為保大三年取閩張本吳世子璉先娶帝女是為永興公主璉以公主故為中書令康化軍節度使

三年春正月丙申詔曰比者干戈相接人無定主地易而弗甄桑墮而弗蠶衣食日耗朕甚憫之其嚮風面內者有司計只給食願耕植者授之土田仍復三歲租役於嘻仁不異遠化無世邇其務宣流以稱朕意二月池州楊璉卒以統軍王彥傳為康化軍節度使詔公卿以下議定郊祀門下侍郎平章事事居詠中書侍郎平章事建勳等議曰孔子云郊祀后稷

以配天宗祀文王於明堂以配上帝此萬世不易之法也昔長孫無忌請祀高祖於圓丘以配昊天上帝祀太宗於明堂以配上帝蓋得之矣今國家嗣興唐祚追尊孝德而以神堯為肇祀之祖宜以神堯配天於圓丘以孝德配上帝於明堂禮也其服物制度古有常儀一切偽節願皆罷去奏可司徒齊丘請依春秋郊以四月上辛常夢錫駁曰案禮天子之郊以冬至不卜日魯侯之郊以仲春卜上辛今之四月非郊之時齊丘固爭遂用夏四月夏讀為夏商之夏禮者多哂之詔曰禮莫重於身帝孝莫大於隆親事實重大承以輕眇可謂無其德而用其事祇加畏焉於嘻爾公爾侯各揚厥職不供廼事國有常典夏四月上辛始郊祀於圓丘大赦境內是夜月



當以子初沒而升壇之際皎然如晝衆咸異之通行封賞群  
臣請上徽號不許固詔之帝曰朕以眇躬託于民上夙夜祇畏  
常恐弗類矧迺徽號用揚虛靈是重弗類固不許因此廢  
徽號之禮州郡言符瑞者十數帝曰謹告在天聰明自民魯  
以麟削奉以符亡常謹天戒猶懼或失之符瑞何為哉皆抑  
而勿揚言五代同居者七家其尤著者江州陳氏元和給事  
中京之後宗族七百口每食設廣席長幼以次坐而共食有  
畜犬百餘共一牢食一犬不至諸犬為之不食建書樓於  
別墅以延四方之士肄業者多依焉鄉里率化獄訟希以遠  
近歎異之皆蠲復征役旌表門閭秋七月庚子朔日有蝕  
之八月鄂州張宣卒以潤州留後王興代金吾衛大將軍馬

齊王以駕部郎中馮延巳為元帥府掌記壽州高審思卒

以待衛諸軍都虞候姚景為清淮軍節度使六月乙丑天

子崩晉高祖秋七月丞相大司徒宋齊立為鎮南軍節度使

以洪州徐玠為司徒侍中帝曰豫章大司徒維柔也衣錦晝

行古人所貴以錦袍賜之齊立至鎮衣以視事群臣咸謂江

淮之地類年豐稔兵食既足士樂為用天意人心未厭唐

德宜廣土宇攻自潭越始帝曰吾少長軍旅見干戈之為

民患甚矣吾不忍復言兵革使彼民安則吾民亦安矣吳

越災宮室府庫甲兵殆盡群臣復請乘其弊帝曰今大敵

在北北方平則諸國可尺書召之何以兵為輕舉者兵之

大忌宜畜財養銳以俟時焉使使唁越于武林厚幣以



賜其關冬十月詔曰前朝失御強梗崛起大者帝小者王不以兵戈利勢拂成不以殺戮威武弗行民受其弊蓋有年也或有意於息民者尚以武人用事不能宣流德化其宿學子巨儒察民之故者岷巖之下往往有之彼無路光亨而進以拊僱為嫌退以清寧為樂則上下之情將何以通簡易之政將何所議乎昔漢世祖數年之間披堅執銳提戈斬馘一日晏然而兵革之事雖父子之親不以一言及之則兵為民患其來尚矣今唐祚中興與漢頗同而眇眇之身坐制元元之上思所以舉而錯之者玆玆在疚罔有所發三事大夫可不務乎自今宜舉用儒者以補不逮於是稍用儒臣漸去苛察又將修復故事為後代法未果行

仁裕出為鎮海軍節度使留後冬十月

後事

四年春正月夏四月樞密使周宗出為奉化軍節度使六月安州節度使李金全來降遣鄂州屯營使李承禧帥師迎之承禧與晉將馬全節安審暉戰于安陸承禧及裨將段處恭戰死監軍通事舍人社光鄴及其兵五百人被執天子李賜之遣還帝致書于晉復送光鄴等請以敗軍行法天子又遣之帝以甲士臨淮拒之乃止天子晉高祖也書帝致書于晉惡其抗也以金全為宣威統軍洪州李德誠卒以宣州徐玠代以江州徐知證為寧國軍節度使梁王徐知諤卒秋八月廬州李章卒以潤州馬仁裕代以天威統軍盧文進為鎮海軍節度使冬十月幸東都存省故老宴于舊宅踰月還十有



二月左僕射平章事張延翰卒五年春二月虔州王安卒  
以統軍賈浩為百勝軍節度使三月誅秦州刺史褚仁規

夏四月秋九月壬子有星孛于天市錢元瓘卒佐嗣位冬

十有二月葬吳越文穆王凡他國廢立卒葬  
其殺告問通則書

六年春三月廬州馬仁裕卒以滁州刺史周鄴為保信軍

節度使留後夏四月南漢劉龍卒分嗣位葬劉龍僭諡天

皇大帝以其情極惡重故書事吳越異龍音儼劉氏  
偽撰此字以為名自云此飛在天之義遷讓皇子孫

於海陵號永寧宮嚴兵守之絕不通人久而男女自為匹

偶吳人多哀憐之猶書吳人者以  
其思舊之民也詔吳王景通為太子景通表

曰古之立太子所以宗正嫡息覲覲如臣元弟景承聖教

實為敦睦願寢此禮三表許之乃以大元帥摠百揆改封

而帝疾作

七年春二月詔曰迺公迺侯越百執事欽承嗣命命爾保

元子環祇肅天鑿社稷宗廟永有終我石敢知曰其基永昌

我亦不敢知曰墜命罔後天不尔謀祐于有德厥位艱哉翌

日殂于路寢壽五十六葬永陵謚光文肅武孝高白王

帝廟號烈祖徐鉉曰烈祖少長喪亂知人艱苦故不以富貴自處唯  
務節儉身為宰相事養父母如禮飲食皆親侍或遇疾

不鮮帶溫常責諸子曰汝輩能如是乎及建號即金陵使府為官唯加鴟尾  
欄楹而已終不改作接見親族如家人禮尊長者親拜之晚年服金石藥性

多躁怒百司奉事必至厲聲訶責群臣或正色抗辭以對事理明白必  
歛容慰勉旬日之後多有思澤故人思及力去死刑用三復三奏之

法文武亡殍子孫隨才以叙不限資蔭或營其婚嫁幼未堪任與其無  
嗣者內帑以給之有親老者倍其教死王事者下至五年皆二年給其

全俸故士無貴賤  
悉亡身外之憂

嗚呼積厚者流澤遠積薄者流澤狹不其然乎舜之後



千餘年而有陳陳亡而田事專政於齊禹之後千餘年而有  
杞祀削而勾踐得志於越後世之君建大義於一時而德不  
若舜禹者亦隨其澤之遠近而興起焉故晉以天下喪於狄  
人而瑯琊縫之唐以天下篡於朱梁而烈祖紹之然則盜名  
器操生殺制一方之命抗萬衆之勢者豈非天歟烈祖  
之起雖無雄才大略而深沉寬裕本於天性幸而適丁  
中原擾攘之際故數年之間有足觀者

南唐書卷第一

南唐書卷第二

嗣主書第二

吳靡有定誰其奠之奔師問楚命委輿尸作嗣主書

嗣主諱璟字伯玉初名景通烈祖元子也美容止器宇高  
邁性寬仁有文學甫十歲吟新竹詩云棲鳳枝稍猶軟弱  
化龍形狀已依稀人皆竒之起家為尚書郎吳讓皇見之  
曰吾諸子皆不及也累遷諸衛大將軍典治軍旅撫納將  
校烈祖出鎮金陵拜璟司徒平章事知內外諸軍事加諸  
道副都統烈祖受禪封吳累遷太尉中書令諸道元帥錄  
錄尚書事改封齊王既當儲副之地而固讓再三謙虛下  
士常若弗及烈祖殂授顧命猶讓諸弟辭益堅侍中徐玠



以衮冕被之曰大行什殿下以神器之重殿下固守小節  
非所以遵先旨崇孝道也乃嗣位改元保大太常博士韓  
熙載上疏曰踰年改元古之制也事不師古弗可以訓時  
雖可其奏而制書已行遂改元而母宋氏為皇太后妃鍾  
氏為皇后弟景遂改封燕王弟景達改封鄂王弟景溫改  
封保寧王長子異南昌王文武進位有差洪州宋齊邱入  
為左丞相江州周宗入為右丞相以元帥府掌書記馮延  
巳為諫議大夫翰林學士夏四月戊申朔日有食之中書  
侍郎平章事李建勳罷為昭武軍節度使南漢劉晟弒其  
君玢晟自立為帝不書書者玢五月司徒兼侍中徐玢卒  
七月燕王景遂改封齊王拜諸道兵馬大元帥太尉中書

今鄂王景達改封燕王拜副元帥宣告中外以兄弟相傳  
之意以元子南昌王異為江都尹東都留守書元子以見景遂之不得襲位也  
景遂固讓不許蕭儼上疏其略曰夏商之後父子相傳不  
易之典惟仰循古道以裕後昆疏奏不報冬十月庚戌有  
星孛于東方妖賊張遇賢聚眾十餘萬陷虔州諸縣諸縣  
失虔州城守遇賢據白雲洞命洪州營屯都虞候嚴思禮  
通事舍人邊鎬討賊鎬思禮擒遇賢及賊副黃伯雄謀主  
僧曹景全斬於建康市以嚴思禮為海州刺史邊鎬為洪  
州屯營諸軍都虞候貶百勝軍節度使賈浩為監門衛將  
軍罪貶故池州安置以饒州刺史李翱為百勝軍節度使  
留後十有二月下令中外庶政並委齊王景遂參決文武



百司唯樞密副使魏岑查文徽得白事餘非召對不得見  
蕭儼上書極論曰元帥開府人猶驚駭况委之大政而群  
臣不得時見臣恐中外隔絕姦人得志非陛下之利也言  
奏不報侍衛軍都虞候賈崇詣閣求見曰臣事先朝二十  
餘年每見延接踈遠未嘗壅隔群下之情罔有不達今陛  
下始即位所委任者何人而頓與群臣謝絕深居邃處而  
欲聞民瘼猶惡陰而入乎隧道也臣老矣長不復奉顏色  
因涕泗嗚咽帝深為感動引與之坐賜食而出始以手札  
批喻儼等曰是天不弔降此鞠凶越予小子常恐弗類于  
厥德用災于厥躬故退處恭默思底于道而壅隔之弊以  
為卿憂惟予小子實生厲階由是所下之令遂寢時宋齊

丘周宗為左右丞相齊丘專執而宗純謹自守及上心既  
悟齊丘乃言其非便帝曰公何不早誨我遂罷齊丘為浙  
西節度使齊丘黨與隆熾造作飛語以誣宗宗泣而上訴  
帝知之弗問此為明年宗出張本宋齊丘上表乞歸九華舊隱許之賜  
號九華先生封青陽公食青陽一縣

二年春正月右丞相周宗罷除江西節度使門下侍郎平  
章事張居諫罷除浙西節度使二月辛卯日有白虹二三  
月左衛上將軍盧文進卒夏閩人朱文進連重遇弒其君  
曦重遇立文進使來告亂囚其使議伐閩以民疫釋閩使  
遣之夏四月秋七月鄂州王興卒以神武統軍韋建為武  
清軍節度使備書官職者新命也書某州某人代者後鎮也壽州姚景卒以濠州劉



崇俊代以楚州刺史劉彥貞為濠州觀察使九月庚午朔  
日有食之冬十有二月馮延巳為翰林學士承旨水部員  
外郎馮延魯為中書舍人延魯銳於功名欲與建州之役  
乃贊中書舍人查文徽為江西安撫使翰林待詔臧循者  
嘗賈於閩具知山川險易為文徽陳進兵之計文徽因是  
請伐閩乃命邊鎬率洪州屯兵與文徽俱行遂入建陽王  
延政遣統軍使吳承祐以遊兵巡福州境給曰唐助我討  
賊大軍至矣福州信之連重遇殺朱文進裨將林仁翰殺  
重遇函其首歸承祐延政以其子繼昌守福州親率眾以拒  
我師五郡之兵大集五郡福建江漳泉敵勢甚盛文徽等次于蓋竹  
退復屯建陽營求齊師三年春二月遣祖全恩何敬洙

萬人以應文徽與延政陣闕水全恩使建陽降將蓋取清  
師出其後裨將武彥暉馬付貴以輕銳繼之腹背夾擊延  
政大敗以餘兵城守閩人李仁達殺其君之子繼昌前年  
州路延政故及其統軍吳承祐立雪峯僧卓儼明為主儼明  
無統御之略仁達又殺之而自稱留後遣使來降即以仁  
達為威武軍節度使延政益不振建州之險巽曰西巖延  
平津相繼而平夏四月秋七月庚辰星見而風雨八月甲  
子朔日有食之遂克建州執王延政歸于建康授羽林大  
將軍安化軍節度使封鄱陽王泉州刺史王繼勳漳州刺  
史王繼成汀州刺史許文績皆請降因而鎮撫之諸將下  
建州兵無節制剽掠甚衆閩人失望帝以出師有功不錄



其過升建州爲永安軍以祖全恩爲節度使查文徽爲撫  
州刺史何敬洙爲楚州刺史備將王建封先登功第一爲  
信州刺史全恩未拜而卒以廬州王崇文鎮建州泉州裨  
將從効劫刺史王繼勳使之入朝從効自領州事於是王  
繼成許文績皆至建康以繼勳爲池州團練使繼成爲和  
州刺史文績爲蘄州刺史即以劉從効爲泉州刺史冬十  
月皇太后宋氏殂以延平津爲劍州割建州之劍浦汀州  
之沙縣屬焉以建州裨將陳誨爲劍州刺史以龍衛都虞  
候劉仁贍爲武清軍節度使升泉州爲清源軍以泉州刺  
史劉從効爲節度使

四年春正月陳覺諷齊王景岳言宋齊丘先朝布衣之舊

委諸山林不允中外之望帝使景遂至青陽召之起拜太  
傅奉朝請而已以撫州李建勳爲左僕射門下侍郎平章  
事中書侍郎馮延巳拜平章事吏部尚書徐遵爲鎮海軍  
節度使二月壬戌朔日有食之命建州製的乳茶號曰京  
挺膈茶之貢自此始罷貢陽羨茶夏四月侍衛諸軍都虞  
候賈崇爲奉化軍節度使留後葬元恭皇后于永陵六月  
壽州劉崇俊卒以濠州觀察使劉彥貞爲清淮軍節度使  
侍衛諸軍都虞候郭全義出爲濠州觀察使以劉崇俊子  
範爲滁州刺史建州之役府庫中耗民不堪命故李仁達  
劉從効皆羈縻而已至是諸將請討之不許宋齊丘薦陳  
覺爲福建路宣諭使說仁達入覲不從覺還至建安矯制



發建汀撫信之師及防戍之兵掩其不意徑至城下時魏  
岑安撫漳泉聞覺起兵亦擅發兵應覺帝大怒馮延巳等  
為言兵集行不可止乃以王崇文為招討使王建封為副  
使益兵以會之馮延魯為南面監軍使魏岑為東面監軍  
使陳覺為諸軍監軍使仁達送款於吳越吳越以兵三萬  
應之覺等爭功進退不相應延魯及吳越戰延魯敗績諸  
軍皆潰帝怒遣使者鎖覺延魯至金陵而馮延巳為宰相  
宋齊丘亦預三公稍解之負外郎韓熙載諫曰臣觀覺等  
罪不容誅但齊丘延巳內為陳請所以得全且擅興者不  
罪則疆場生事喪師者獲存則行陣解體請行顯戮以重  
軍威帝曰齊丘延巳有自咎之表無請赦之辭覺等去木

復體一家狼藉永不錄用與死何殊乃流覺斬州流延魯

許州齊丘惡之貶熙載和州司馬冬十有二月壬戌契丹

及晉師戰于中渡晉師敗績丙寅杜重威李守貞以王師

降于契丹癸酉張彥澤引蕃騎陷京師彥澤剽劫屠害甚

哀晉帝奉表納璽於戎主

以其失利勢  
故不書天子

是歲中原無主密州

刺史皇甫暉青州刺史王建及汧淮諸戎皆來降方且疲

兵東南不暇北顧馮延巳延魯魏岑陳覺皆以姦回得用

人情不平既流延魯及覺而延巳為相岑亦居近密於是

御史中丞江文蔚疏其罪曰二凶雖去未稱民情四罪盡

除方明國典帝大怒貶文蔚江州司士參軍亦罷延巳為

太子少傅岑為太子洗馬漳州裨將林贊堯殺監軍周承



義以叛討平之以泉州裨將董思安為漳州刺史思安辭  
以父名章命改漳州為南州副使劉縱願殺思安自領州  
事南州復為漳州

南唐書卷第二

唐書卷第三

嗣主書第三

五年春正月晉帝舉族出封丘門虜王次于京城北不見

帝虜不與之見也猶書曰京城者甚虜之惡也文武百官素服紗帽俯伏俟罪虜王

命起之親加慰撫遂入都城據大內改京師為都巳丑斬張彥

澤於東市以其剽劫之罪庚寅洛京留守景延廣自扼其喉死辛

卯虜廢晉帝為光祿大夫檢校太尉封負義侯黃龍府安

置此中原之事悉書者以下文使來告故也虜使來告曰晉少主逆命背約自貽

廢黜吾主欲與唐繼先世之好將冊命唐為中原主帝命

近臣對曰唐守江淮社稷已固與梁宋阻隔若爾主不忘

先好惠錫行人受賜多矣其他不敢拜命之辱遣兵部侍



郎賈潭報聘帝歎曰閩役備矣其能抗衡中原乎以齊王景遂為太弟燕王景達為元帥改封齊王元子南昌王翼為副元帥封燕王依前東都留守安樂公茂為侍衛諸軍都虞候二月丁巳朔虜攻晉都為大遼國肆眚改元會同猶謂之晉都者漢未立也不謂之京師者中原無主也不書赦不與虜赦中國也辛未漢帝即位天子即位

易代改晉開運四年為天福十二年中原改元不書此書會同非常也漢禡天福十年

二年亦三月宣州徐知證卒夏四月丙子太白晝見以皇

甫暉為神衛軍都虞候秋八月以太傅宋齊丘為鎮南軍

節度使周宗為寧國軍節度使錢佐卒保襲位冬十有一

月壬子雨木冰辛酉雨木冰癸酉雨木冰十有二月越人

胡進思廢其君侑囚於義和院錢俶入是歲馬希範卒希

廣襲位

六年春正月越人立俶遷侑于東府丁丑天子崩洪高以

太子少傅馮延巳為昭武軍節度使夏四月廬州周鄴卒

五月葬楚文昭王葬吳越忠獻王越亂故毀六月庚寅朔日有

食之秋漢伐河中圍李守貞守貞遣從事朱元李平奉表

來乞師以潤州李金全為西面行營招撫使壽州劉彥貞

為副諫議大夫查文徽為監軍使兵部侍郎魏岑為泚淮

巡撫使聞河中平遽班師冬十有一月高從誨卒保庸嗣

位葬南平文獻王

七年春正月淮北諸盜來附以神武都虞候皇甫暉裨將

張彞蕭勳恭帥師出海泗諸郡以右散騎常侍張義方為



監軍使納賊帥咸師朗以歸二月以中書舍人嚴續為奉  
化軍節度使以江州賈崇為神武統軍侍衛諸軍都指揮  
使夏四月壬申太白晝見贈故廬山江寧孫國子司業六  
月癸酉朔日有食之秋七月殺天威統軍都虞候王建封  
八月以建州王崇文鎮廬州以諫議大夫查文徽為永安  
軍節度使留候冬十有二月日暈三重

八年春正月詔曰春秋日食地震星孛水冰可謂甚矣比  
者災異仍多豈人君不德以召之耶抑亦天心之仁愛而  
譴告之也朕甚惕焉曩者兵連閩粵武夫悍將不喻朕意  
而務為窮黷以至父征子餉上違天意下奪農時各將誰  
執在予一人其大赦境內窮民無告者大賜粟帛二月以

東都留守燕王奐為潤宣二州大都督鎮京口宣州周宗

為東都留守福州許言吳越戍兵亂殺李仁達而遁遣人

告急于境建州節度使查文徽以興兵故書使劍州刺史陳誨以

舟師應之文徽留誨屯江口進至西門伏兵發文徽被執

誨與越人戰大敗之獲其將馬先進葉仁安等歸于建康

帝送先進等還越越亦歸文徽夏四月以劍州刺史陳誨

為永安軍節度使秋七月冬十有一月甲子朔日有食之

乙酉天子崩漢隱帝楚朗州節度使馬希萼遣使來乞師遂

以楚州屯兵攻潭州殺希廣杖其妻死於市左右用事者

皆齎制之希萼自稱楚王邊錡統信州屯兵以覘楚十有

二月漢將郭威領大軍北征壬子次澧州何福進率壯士



擁威為天子

書此以見中原治亂

九年春正月周帝即位劉旻稱帝於太原

以其由在周故不曰僭

初

丹犯河南晉帝北遷韓熙載上書曰陛下有經營天下之

志當在今時若戎主遁歸中原有主安輯稍定則未可圖

也時以連兵南閩至此方議北征熙載又上書曰郭氏姦

雄雖有國日淺而為理已固兵若輕舉非獨無成亦且有

害乃命李金全耀兵於淮上而止夏四月秋七月樂安公

茂卒冬十月楚人徐威陳遷魯公綰陸孟俊執其君馬希

萼囚于衡山立王子希崇十有一月楚人廖偃等招合蠻

獠復立希萼為楚王楚國大亂邊鎬以信州屯兵出宜春

討長沙破其軍於龍回關徐威等以希崇降希萼亦送欵

于鎬鎬盡遷馬氏之族于金陵以希萼為洪州大都督封

楚王希崇為舒州節度使以邊鎬為湖南節度使鄂州劉

仁贍以舟師趨岳州岳州降以將軍宋德權為岳州刺史

以客省引進使任鎬為監軍使以馬光惠為朗州節度使

留後宋齊丘拜太師固辭復為太傅

十年春正月分洪州高安縣置筠州割清江萬載上臯屬

焉以湖南行營糧料使王紹顏為刺史二月以撫州馮延

巳為左僕射平章事右僕射孫晟守本官平章事潤州徐

連中書侍郎平章事夏四月丙戌日有食之五月司徒致

仕李建勳卒秋劉晟取桂管將軍張巒爭之不克朗州裨

將劉言執留後馬光惠送建康言自領州事遣李建勳屯



益陽將討劉言而楚地新定府庫空虛宰相馮延巳以克  
楚為功不欲取費於國乃重斂其民以給軍邊鎬不能振  
撫楚人皆怨帝亦惡之謂馮延巳孫晟曰湖湘之役楚民  
厭亂求息肩於我今欲罷桂陽之師解益陽之戍即授劉  
言以節鉞使自安輯其民吾亦得惠養湘衡之地如是則  
遠邇完實二蕃在吾度內爾公等亟行之無為後悔孫晟  
即欲奉行延巳曰吾以偏師克全楚天下驚動全三分喪  
二何以為功遂稽其命未幾劉言遣王進遠破益陽殺建  
期等乘勝攻長沙邊鎬遁歸所在屯戍相繼散走獨張繹  
全師而還且戰且行取資於道岳州刺史宋德權監軍使  
任鎬皆弃城走帝大怒削邊鎬官流饒州戮宋德權任鎬

于大社斬裨將申洪泰尹建于都門外以張繹為信州刺  
史延巳等自劾起之孫晟請罪不已乃罷為右僕射冬十  
有二月洪州大都督馬希萼入覲留建康弗遣

十有一年春二月周行馮據潭州三月建康大火踰月廬  
舍營署殆盡夏五月以太傅宋齊丘為鎮南軍節度使秋  
七月以鄂州劉仁贍為神武統軍侍衛都指揮使以濠州  
觀察使何敬洙為武清軍節度使大蝗八月不雨冬十月  
築楚州白水塘以溉田命州縣陂塘堙廢者修復之十有  
二月水冰

十有二年春正月大星墜于東北聲如雷兗州節度使慕  
容彦超遣使來乞師以拒周出兵數千至淮北

不書將校  
舊史失之



為周師所敗俘其將校于京師天子平彥超釋唐俘諭之  
曰歸語爾主朕誅逆命何苦來援帝亦悔之漢末遣使潭  
州市茶會邊錫平馬氏例俘于金陵由是引對慰勞以上  
蒼萬戶遣之壬辰天子崩周太自前年八月不雨至于三  
月民大飢疫死者大半下令郡縣煮粥以食之劉晏乞師  
于契丹以寇潞州天子親征大敗之休兵潞州大饗將士  
斬敗將樊受能等七十餘人軍威大振進圍太原遣符彥  
卿史彥超等北控圻口以斷契丹援路彥卿等敗績彥超  
戰沒天子遽班師書以見出宗威略為明年伐我張本夏五月丁亥月重輪  
秋七月契丹使其舅來聘昇元中宋齊丘選宮嬪雜以珠  
貝羅綺泛海北通契丹欲賴之以復中原而虜使至則厚

幣遣還迨至淮北輒使人刺之復遣使以海齋琛寶以報  
聘虜意晉人殺其使數犯中原至是館虜使於清風驛夜  
醮更衣盜斬其首契丹自此不至蓋中原間之也冬十月  
十月三年春二月以門下侍郎嚴續守本官平章事夏四  
月以壽州劉彥貞為神武統軍侍衛諸軍都指揮使以劉  
仁贍為清淮軍節度使三月周伐蜀秋七月蜀使來聘冬  
十月東都留守周宗乞罷鎮詔曰崧嶽降靈誕生良弼佐  
我先朝施及朕躬尚賴保釐底于成績而遽爾請罷豈朕  
不德不能優禮勳舊而致然也昔蕭何守巴蜀而高祖無  
西顧之患寇恂守河內而光武無分民之嫌今任公以何  
恂之事宜強飯扶力以副朕意於嘻國之安危惟茲淮甸



慎始成終非公而誰所請宜不允宗以老病三表乃許守  
司徒致仕以中書舍人馮延魯爲工部侍郎東都留守以  
侍衛諸軍都虞候賈崇爲東都屯營使十有一月周師來  
伐李穀爲都部署攻壽州帝召洪州宋齊丘還都齊丘請  
徵諸郡兵屯於淮泗以裨將有才略者主之聲言偏師敵  
人不測其實必難輕進春水時至糧道阻隔懸軍日久自  
當遁去然後遣使請平彼必樂從議者不同遂止劉彥貞  
督兵以抗周師江州皇甫暉帥師爲援李穀退屯正陽天  
子命李重進爲奇兵以要彥貞彥貞追穀至正陽重進與  
穀腹背擊之彥貞大敗死于陣諸軍皆潰張全約以其衆  
奔壽春自楊氏王吳淮甸之人不識干戈者二十餘年及

彥貞敗民皆怖懼帝欲親拒周師中書舍人喬匡舜極諫  
敗匡舜臨川親行之議亦寢天子先詔錢俶攻常宣二州  
以撓我師於是吳越伺間攻常州刺史趙仁澤被執將軍  
柴克宏救常州大敗越人斬首千餘級獲其將吏數十人  
皆斬于京口拜克宏奉化軍節度使天子營于淝水之陽  
徙正陽橋于下蔡林仁肇皇甫暉爭之不勝暉走滁州天  
兵追殺之以周師爲天兵故也遂下滁州帝惡之遣泗州牙將  
王知朗至滁州稱唐皇帝奉書願効貢賦陳兄弟之禮天  
子不荅東都留守馮延魯光州刺史張紹舒州刺史周祚  
泰州刺史方訥皆弃城走延魯削髮偽爲僧遁歸周人執  
之蘄州裨將李福殺其刺史王承雋降周帝益惡之始改



名景以避周廟諱遣翰林學士鍾謨文理院學士李德明  
奉表稱臣獻犒軍牛五百頭酒二千碩金銀羅綺數千請  
割壽濠泗楚光海六州以求罷兵天子不報謨等皆留行  
在分兵襲下楊泰帝遣人懷蠟丸書走契丹求救為邊將  
所執光州刺史張承翰降周天子至淮南下詔撫安楊氏  
之後帝聞之命園苑使尹延範自泰州徙讓皇一族于京  
口延範殺其子弟六十餘人以其婦女渡江周先鋒使劉  
重進得其玉硯馬腦碗翡翠瓶以獻周楊氏遂絕帝罵曰  
小人以不義之名累我誓斬延範歸之以專殺之罪

南唐書卷第三

南唐書卷第四

嗣主書第四

十有四年春正月遣司空孫晟禮部侍郎王崇質奉表于  
周辭益卑服削去帝號天子猶不答留晟等弗遣鍾謨請  
歸取表盡獻江北之地天子許之遣崇質德明還始賜江  
南書曰自有唐失御天步多艱六紀于茲瓜分鼎峙自為  
聲教各擅蒸黎交結四夷憑凌上國華風不競否運所鍾  
九百有心孰不興憤朕擅一百州之富庶握三十萬之甲  
兵農戰交修士卒樂用苟不能恢復內地申畫邊疆便議  
班旋直同戲劇至於削去尊稱願輸臣節孫權事魏蕭登  
奉周古也雖然今則不取但存帝號何爽歲寒儻堅事大



之心必不迫人于險德明等歸盛稱周天子英武帝尤惡之宋齊丘陳覺等皆以割地無益而德明賣國以圖利帝怒斬德明二月遣元帥景達帥師應壽春陳覺為監軍使拜邊鎬為大將許文績副之中書舍人韓熙載上疏請罷監軍使不報司徒致仕周宗卒三月江州柴克宏率諸郡屯田相率起義以農器為兵械帑為鎧處處保聚號曰甲軍周師苦之景達等趨壽州其將朱元李平唐進克復舒蘄泰三州夏大雨周師在楊淞和者皆却諸將請要其險隘擊之宋齊丘曰擊之怨深不若縱之以為德誠諸將聞壁不得要戰周師皆集於壽州故諸州雖復而壽春之圍益固天子駐于渦口猶欲再幸揚州宰相范質以師老泣

諫乃班師以李重進攻廬州向訓守揚州訓請弃揚州併力以攻壽春乃封府庫付主者遣淮南舊將按巡城由不毫

毫不犯而去淮人大悅皆負糗糧以送周師秋七月揚州不滁和復歸于我冬十有一月周殺我行人孫晟

十有五年春元帥景達命其將朱元等屯紫金山築甬道以餉壽州二月天子復來伐徙下蔡橋于渦口為鎮淮軍築二城以夾淮周師連破紫金山諸寨監軍陳覺乞罷朱元帝遣大將楊守忠代元且召之元憤怒叛降周諸軍皆潰許文績邊鎬被擒景達以州兵奔還金陵三月丁未劉仁贍病且死其副孫羽等以壽州降仁贍病卒夏四月己巳天子班師亂兵焚揚州民皆徙江南秋七月冬十月天



子復來伐圍濠州濠州刺史郭廷謂降周泗州守將范再  
遇叛降周廷謂不書叛者力不支也秦州亦潰周師步騎數萬水陸齊  
進軍士作檀來之歌聲聞數十里檀來者但來也此人語音十有二月  
天子駐于楚州城北

十有六年春正月大赦改元交泰周師攻楚州守將張彥  
能鄭昭業城守益堅城壞彥能昭業戰死周人屠其城而  
戍之丁未海州潰壬辰靜海軍潰周人盡得海泰楊林之  
地丁卯周人次揚州癸酉次瓜洲三月壬午朔次秦州丁  
亥復次揚州辛卯遂幸迎鑿以臨大江周自屠楚州敗書人其後駐幸皆書  
次至迎鑿復書幸不泯其實也時楊泰滁和壽濠泗北海等州已為周得  
延遣陳覺奉表獻廬野斬黃畫江以為界天子許之賜書

曰皇帝恭問江南國主勞其良苦而已

四年而後克亦已憊矣

夏五月

下令去帝號稱國主奉周正朔以交泰元年為顯德五年  
鍾謨遇延魯至自京師國主復遣謨等奉表拜成且請傳

位始降號稱國主傳位不曰傳乎

其某人者只僊為大弟特未定也天子優詔為安之傳位

之意遂止以謨為禮部侍郎延魯戶部侍郎以行營應援  
使林仁肇為浙西節度使前廬州孫漢威為奉化軍節度  
使贈劉仁贍太師追封衛王孫晟太傅追封魯國公劉彥  
貞中書令張彥能侍中其餘將士死國難者追贈有差秋  
泉州劉從効奉表貢于京師天子不納冬十月禮部侍郎  
常彥錫卒十有二月流陳覺于饒州流李徵古于洪州皆  
殺之放宋齊丘于青陽太子景遷固請歸蕃於是長子



翼為太子以景遷為洪州大都督封晉王齊王景達為撫  
州大都督信王景邁為百勝軍節度使昇元初括定民賦  
每正苗一斛別輸三斗於官廩授鹽二斤謂之鹽米至是  
淮南鹽場皆入於周遂不支鹽而輸米如初以為定式

顯德六年春正月宋齊丘縊死于青陽夏晉王景遂卒秋  
七月鍾謨請鑄大錢以一當十文曰永通泉貨以信州刺  
史張巒為天德軍使九月太子翼卒初丹陽古銘曰天子  
翼州人以翼應之未幾卒識者謂翼州趙地也明年

皇朝受命之符爾次子從嘉封吳王居東宮鍾謨曰從嘉  
輕肆請立紀國公從善國主怒貶謨為國子司業立從嘉  
為太子天子使人謂國主曰吾與汝大義已定終慮後世



太祖皇帝許之謚明道崇德文宣孝皇帝葬順陵廟號光

宗先謚而後書葬者因其請乎順文勢也徐鉉曰嗣主工

筆札善騎射賓禮大臣敦睦九族每聞臣民不獲其所

者輒諮嗟傷憫形於顏色隨加救療居處服御節儉得中

初立有經營四方之志邪臣阿諂職為厲階晚歲悔之已

不及矣少至性仍懷高世之量始出閣即命於廬山瀑

布前構書齋為他日終焉之計及迫於紹襲遂捨為開先

精舍常惠民間侈靡第宅衣服咸為節制驅惰遊之人率

婦農業及大漸之際群鶴翔于空雙龍據殿屋遂奄然而化

嗚呼其哉守成之難也非特守之難而授之者尤難非授

之難而知其可受者為難商有天下成湯作之太甲守之

而中有不類之憂嚮非阿衡之佐則求其思庸之復也難  
矣周有天下武王作之成王守之而中有流言之變嚮非  
周公征之則求其鳧鷖之雅也亦難矣以唐太宗之豐功  
大業一正天下建不拔之基而晉王之立殺父之臣失父



之政卒至於大亂矧不及於太宗者乎元宗即位一十九年有經營四方之志約已慎刑勤政如一嚮非任用群小屏棄忠良國用不單於閩楚師旅不棄於淮甸則庶幾完成之君也志有之曰楊者易生之木也一人植之十人拔之無生楊矣以新造之唐而守之非道不幾乎朝蕩而夕振其亡也不旋踵故周世宗以衰世之鋒一鼓而十四州之地掇如也悲夫

南唐書卷第四

南唐書卷第五

後主書第五

嗚呼春秋之時君薨明年正月公即位自桓公始宣成而下未嘗革也昭公薨于乾侯定公於明年夏六月戊辰即位者其故何哉蓋非常之變起於不可測非常之禮行於不得已古之人觀會通以應世則處非常之變用非常之禮者皆禮經之所不得而考也義起於情而已矣且諸侯薨于路寢而昭公客死於乾侯者非常之變起於不測也嗣君釋冕反喪而定公即位於明年六月者非常之禮行於不得已也元宗殂於豫章後主留守建康必待喪還既殯而後即位其偶合於定昭之事乎且聖人制禮立天下



之大經為天下之大防也情偽之變無窮而禮之所載有常以有常之禮御無窮之變則亦隨其宜而已矣故禮不盡而義有餘則禮以義起義不足而禮有餘則義以禮達君子遭變亂而無曠於禮者在審其義爾大喪禮之大典禮經載之詳矣而曾子之所問者禮經有所不及也變禮之不測曾子問載之詳矣而國君薨于外世子立于內者曾子問有所不及也非趨時而合義其孰能與於此哉德雖不競孰匪天亡日月俱照燭火銷光作後主書

後主名煜字重光初名從嘉元宗第六子也少而聰慧善屬文工書畫初封安定郡公准上兵起為神武軍都虞候公准巡撫使累遷諸衛大將軍諸道副元帥封鄭王太子

真率四兄皆早亡以次為嗣改王吳拜尚書令知政事建隆二年元宗南遷立煜為太子監國六月元宗殂於豫章七月喪還建康太子即位尊母鍾氏為太后太后父名太章故改號聖尊后妃周氏為國后封弟從善為韓王南都留守從益鄧王從謙宜春王從度昭平郡公從信文陽郡公以右僕射嚴續為司空依前平章事大赦境內文武進位有差罷諸路屯田使委所屬令佐與常賦俱征初南唐屯田佃民絕公吏之撓八月鄂州王崇文卒以南郊巡檢使黃延謙為武清軍節度使留後冬十月以南都留守韓王從善為司徒兼侍中諸道兵馬副元帥以鄧王從益為司空南都留守下令諸司無職事官四品以下至九品日



二貞待制於內殿泉州劉從効遣其子紹基來貞三年劉  
從効卒州人立其次子紹鑑為留後紹基未還統軍使陳  
洪進執紹鑑并其族送于金陵推立其副張漢思漢思老  
不任事洪進逐之自稱留後國主即以洪進為清源軍節  
度使以紹基為殿直軍都虞候紹鑑為監門衛中郎將句  
容尉張似上言為理之要詞甚激切國主手批慰喻召為  
監察御史以神武統軍朱業為寧國軍節度使以潤州林  
仁肇為神武統軍秋七月建州陳誨卒禮部尚書潘承祐  
卒以江州何洙為左武衛上將軍封芮國公以宣州朱業  
鎮江州以神武統軍林仁肇為寧國軍節度使乾德元年  
夏左武衛上將軍何洙卒秋七月以兵部尚書游簡言知

尚書省遷右僕射是歲南平高繼沖歸于京師國除  
金陵臺閣殿庭皆用鴟吻自乾德後朝廷使至則去之使  
還復用二年春正月始用鐵錢以鐵錢使戶部侍郎韓熙  
載為兵部侍郎勤政殿學士初烈祖且殂謂元宗曰德昌  
宮泉布億萬緡以給軍用吾死善修鄰好北方有事不可  
失也及元宗即位兵屢起德昌泉布既竭遂鑄唐國錢其  
文曰唐國通寶又鑄大唐通寶與唐國錢通用數年漸弊  
百姓盜鑄極為輕小保大末兵窘財乏鍾謨改鑄大錢以  
一當十文曰永通泉貨徑寸七分重十八銖字八分書背  
面肉好皆有周郭謫遂廢至是有鐵錢之議每十錢以  
鐵錢六雜銅錢四既而不用銅錢民間但以鐵錢質易物



價增涌民復盜鑄頗多芒刺不及官場圓淨雖重其法犯者益衆至末年銅錢一當鐵錢十禮部侍郎湯悅上言泉布屢變亂之招也且豪民富商不保其貲則日益思亂累數百言不報夏鄂州黃延謙卒以宣州林仁肇代九月封女子仲寓清源公次子仲宣宣城公冬十月仲宣卒追封以王十有一月國后周氏殂三年春葬昭惠后于懿陵蜀西和俘于京師國除以江州朱業為神武統軍侍衛都軍使以虔州留後柴克貞為奉化軍節度使夏以司空平章事嚴續鎮潤州秋九月聖尊后鍾氏殂召南都留守鄧王從益還都以鄂州林仁肇為南都留守南昌尹葬光穆皇后于順陵朝元許元宗追復帝四年夏五月以吉州刺史

史揚守忠為武清軍節度使留後秋十月神武統軍朱業卒十有二月潤州嚴續卒五年春命兩省侍郎諫議大夫給事中中書舍人集賢勤政殿學士分夕於光政殿宿直國主引與譚論或至夜分開寶元年夏江王景湯卒冬十有一月納后周氏昭惠之母弟也二年春以左僕射游簡言兼門下侍郎平章事夏簡言卒以禮部侍郎湯悅為門下侍郎平章事知制誥張洎上疏曰悅非經綸之才不宜處鈞衡之地國主以悅文學舊臣特加獎用乃罷洎職冬較獵于青龍山還憩大理寺親錄囚徒原貸其衆韓熙載奏獄訟有司之事因囿之中非車駕所至請損內帑錢三百萬充軍資庫用國主從之曰繩愆糾謬其熙載之謂乎



天子詔國主諭南漢稱臣劉鋹怒執我行人龔慎儀三年  
中書侍郎韓熙載卒贈平章事命境內崇修佛寺又於禁  
中廣署僧尼精舍多聚從衆國主與后頂僧伽帽衣袈裟  
誦佛經拜跪頓顙至爲瘠贅由是建康城中僧徒迫至數  
千給粟米緡帛以供之四年春劉鋹停于京師國除夏  
四月齊王景達卒遣弟韓王從善入朝留于京師授泰  
寧軍節度使國主表求從善還國不許自從善不還四  
時宴會皆罷登高賦文以見意曰原有鴿兮相從飛嗟嗟  
季兮不來歸常怏怏以國廢爲憂及有商人上密事請往  
江陵竊燒皇朝戰艦國主懼事泄不聽商人遁去五年  
春皇朝屯師漢陽鄂州揚守忠以聞人心大恟乃貶

制度下書稱教改中書門下省爲左右內侍府尚書省爲  
司會府御史臺爲司憲府翰林爲文館樞密院爲光政院  
降封韓王從善爲南楚國公鄧王從益爲江國公吉王從  
謙爲鄂國公其餘官號多有改易殿庭始去鷓鴣每遇  
皇朝使至國主衣紫袍備蕃臣禮使退服御如初六年春  
皇朝使中書舍人盧多遜來聘國主願受封拜不許洪  
州林仁肇卒冬中書舍人潘佑薦衛尉卿李平判司農寺又  
薦平知司會府群情紛紛以爲朋黨佑上書極言時政凡  
七章不止有家國陰陰如日將暮之辭國主惡之乃收平  
下大理自縊妻子徙饒州次收佑佑自剄母及妻子徙虔  
州七年皇朝使閩門使梁迥來聘從容謂國主曰今歲



國家有柴燎之禮當入助祭國主唯唯不荅秋中書舍人  
李穆賈 詔曰朕以仲冬有事于園丘思與卿同閱犧牲  
國主辭以疾穆反命遂安進取九月王師自荆湖直趨池  
州池州主將戈彥城走 遂克池州進軍當塗將軍張溫  
鄭彥華杜真相繼敗績下教去開寶年號公私牘籍稱里  
成歲江南自周世宗後不復用兵僅二十年老將已死主  
兵者皆新進少主以功名自負輒抗 王師聞兵興踊躍  
言利害者日有十數及遇等敗北中外奪氣戒嚴城守國  
主遣徐鉉周惟簡奉表乞緩師 不荅王師進屯建業城  
南十里時雖下池州及姑熟餘郡皆未奉 命糧道阻隔  
樊若水請於採石繫浮橋以利轉輓每歲大江春夏暴漲

謂之黃花水及 王師至水皆退小故識者知其有天命  
焉吳越圍常州軍使余成禮劫刺史禹萬誠以降吳越進  
圍京口議者以京口要害之地當得良將守之乃拜親吏  
劉澄鎮海軍節度使留後以凌波軍都虞候盧絳為援澄  
已懷嚮背因說絳還金陵而自率將吏降越袁州萍鄉制  
置使劉茂忠破潭師於境內拜茂忠袁州刺史八年春闕  
氏為師徒昇元初均量民田以定科賦自二緡以上出一  
卒號義師中有別籍分居又出一卒號新擬生軍民有新  
置物產者亦出一卒號新擬軍又於客戶內有三丁者抽  
一卒謂之圍軍後改為拔山軍使物力戶為帥以統之保  
大中許郡縣村社競渡每歲端午官給綵段俾兩兩較其



遲速勝者加以銀椀謂之打標舟子皆籍其名至是盡蒐  
為卒謂之凌波軍又率民間傭奴贅壻謂之義勇軍又募  
豪民能自備緡帛兵器招集無賴亡命謂之自在軍又括  
百姓自老弱外能被堅執銳者謂之排門軍并屯田白甲  
之類凡一十三等皆使扞敵守把夏誅神衛統軍諸軍都  
虞候皇甫繼勳秋洪州節度使朱令贇將兵一十五萬屯  
潯陽湖口與諸將議曰令若前進而王師反據我後則  
上江阻隔退乏糧道亟為虜矣乃以書招南郡留守劉克  
貞代鎮湖口克貞以病留令贇亦未進國主累促之令贇  
以長筏大艦帥水陸諸軍至虎蹲洲與王師遇舟筏俱焚  
令贇死餘眾皆潰金陵受圍經歲城中十米者相救藉自

瀾州降後不聞外信或云令贇已敗國主猶意其不實及  
百姓疫死士卒乏食詠云大軍決以十有一月乙未破城  
國主議遣其子清源公仲寓出通降欵左右以謂堅壘如  
此天象無變豈可計日取降是日城果陷宮中圖書萬卷  
尤多鍾王墨迹國主嘗謂所幸保儀黃氏曰此皆累世保  
惜城若不守亦可焚之無使散逸及城陷文籍盡燬光政  
使陳喬曰吾當大政使國家致此非死無以謝乃自縊死  
諸將戰沒者猶數十人昇元寺閣崇構因山為基高可十  
丈平旦閣影半江梁時為瓦棺閣至南唐民俗猶因其名  
士大夫暨豪民富商之家美女少婦避難於其上迨數百  
人越兵舉火焚之哭聲動天一旦而燼大將曹彬整軍成



列至其宮門門開國主跪拜納降彬答拜為之盡禮先是  
宮中預積薪煜誓言社稷失守當携血屬赴火既降無國主之号故  
籍既見彬彬諭以歸朝俸祿有限費用日廣當厚自齎裝  
一歸有司之籍即無及矣遣煜入治裝裨將梁迥田欽祚  
力爭以謂苟有不虞各將誰執彬笑而不答迥等固諫彬  
曰彼能出降安能死乎翌日治舟彬遣健卒五百人為津  
致輜重登舟一卒負籠下道旋彬立斬之負擔者罔敢蹉  
跌煜以藏中黃金分遺近臣辦裝張似得金二百兩詣彬  
自陳不受請奏其事彬以金輸官而不以聞煜舉族冒雨  
乘舟百司官屬僅千艘煜渡中江望石城泣下自賦詩云  
江南江北舊家鄉三十年來夢一場吳苑宮闈今冷落廣

陵臺殿已荒涼雲籠遠岫愁千片雨打歸舟淚萬行兄弟  
四人三百口不堪閑坐細思量至汴口登普光寺擎拳請  
念久之散施緡帛甚眾九年春倂至京師封遺命侯授  
左千牛衛上將軍太宗皇帝登極改封隴西公太平興

國三年公病書公者朝所封也皇命翰林醫官視疾中使慰諭者

數四翌日薨在偽位十有五年年四十二追封吳王以王  
禮葬洛京之北邙山江南人聞之巷哭設齋王著雜說百  
篇時人以為可繼典論又妙於音律舊曲有念家山王親  
演為念家山破其聲焦殺而其名不詳乃敗徵也復書王

朝追封也徐鉉曰嗣主諸子皆孝而後主特甚敦睦親族  
亦無不至唯以好生富民為務常欲群和於朝不欲聞  
人過章疏有糾請稍許者皆寢不報酷好古道而國削勢  
途羣臣多守常充位不克如意歎曰天下無周公仲尼吾



道不可行也已刑法太寬亦無過此及大兵之際上下感  
恩故人無異志威令不素著故莫盡死力蓋亦天授  
大宋非人謀所及也

嗚呼隋文帝初輔政于周內有五王之難外羅尉遲迴司  
馬消難王謙之亂方是時指鹿逐兔未知適從武夫悍將  
誰無覬覦蕭歸承武皇享國之長有席卷山南之勢而區  
區敬慎不敢連衡迴等者信其曰柳莊之言預知隋公之  
必與故也矧迺蕞尔江南獲覩

直人之作而不為之退聽其罪當如何哉李氏有國肇於  
天祐益於開運削於顯德亡於開寶豈非有幸於亂世而  
不容於治世歟以周世宗之時削國降號稽首稱藩其勢  
固已蹙矣及屬

皇朝置天下莫不翹首太平而猶竊主賊民十有六年  
外示柔服內懷僭偽豈非所謂逆命者哉及其計窮勢迫  
身為亡虜猶有故國之思何大愚之不靈也若此後主樂

故國夢初歸覺來雙淚垂又云小園昨夜有  
西風故國不堪翹首月中皆思故國者也



商唐書第五



商唐書卷第六

女憲傳第一

嗚呼古之欲明明德於天下者先治其國欲治其國者先齊其家齊家之法在於女憲而女之所以爲憲者母傾城之哲也母索家之言也究德性之厚原道化之本不過於以順爲事以貞爲節而已順貞以化天下何往不格哉是故觀刑二女虞舜惟帝徽傳太姒西伯淮王帝王之德配天地而推其本始以言之必自於閨闈之近者凡以天下之本在國國之本在家故也易曰夫夫婦婦而家道正正家而天下定作女憲傳

先主元恭皇后宋氏不知其世裔也幼爲亂兵略取義祖



得之常置帳下會先主喪其正室義祖指宋氏謂先主曰  
是必有福今以乞女先主御之不書燕之者義祖首惡也生嗣主及景  
遷景遂景達遂立為繼室治內有法不苟言笑常以端嚴  
自持雖妾媵之間儼如賓禮義祖死于建業知詢等督先  
主奔赴先主欲往宋氏從容諫曰移孝為忠臣子之常况  
權重身危而輒罷所執何異太阿倒持柄不在我矣先主  
大悟因寢其行而命周宗赴金陵天祚二年封齊王妃先  
主受禪冊命為皇后昇元末先主服餌金石性多暴怒左  
右賴后以此者甚衆嗣主即位上冊為皇太后每元宗朝  
太后言惟勞其良苦而已至於治理無一言及之常曰婦  
人預外事非國之福也保大三年殂葬永陵謚元恭

先主种氏不知其品秩也江西良家女性警悟通書計常  
觀粧去飾而態度閑雅宛若神仙初進入宮年甫十六以  
不得幸宋后數數薦引既承恩寵服御輒亞於后而諸宮  
罕得進御及生江王景邁僭侈尤甚一日先主幸元子齊  
王宮遇其親理樂器先主大怒切責數日种氏乘間言景  
邁才過齊王先主作色曰子之過父戒之常理也國家大  
計女子何預遂叱內臣粹庭下去簪珥幽于別宮數月命  
削髮為尼先主殂种氏泣曰人彘骨醉復見於此矣其後  
歸景邁宮宋太后屢欲甘心賴元宗保全之竟以壽終於  
后不書妖艷而於嬪殺詳言之

嗣主光穆皇后鍾氏虔州刺史太章之女太章初為裨將



義祖用之以殺張顥既而自大先主欲繩之義祖曰昔無  
太章吾族赤矣汝曹安所記乎今日富貴太章力也肯之  
不可乃命以太章女配嗣主義祖初見歎曰非此兒不敵  
此女嗣主起家自尚書郎至于將相鍾氏始封縣君累加  
國夫人昇元中封齊王妃嗣主即位冊為皇后后少長富  
貴不事玩好副笄大練淡如也既居大位歲時賜予必先  
諸妙然後及中宮以故嗣主樂推諸弟而終無間言者后  
勉之為多淮上兵起國步多艱后亦損常膳不舉樂者數  
月後王即位冊為太后以父為太章故號聖尊后乾德三  
年聖尊后崩葬順陵謚光穆

至於六宮品秩雖無所考而內夫人之品保儀之秩各因  
事見其餘名號僭擬天子亦可知矣

後主昭惠后周氏小字娥皇大司徒宗之女甫十九歲歸  
于主宮通書史善音律尤工琵琶元宗賞其藝取所御琵琶  
時謂之燒槽者賜焉燒槽之說即蔡邕焦桐之義或謂  
煇材而斲之或謂因藝而存之元宗南幸豫章詔音存問  
以令婦稱後主即位冊為國后后雖在妙齡婦順母儀死  
如幾唐之盛時霓裳羽衣最為大曲羅亂瞽師曠職其音  
遂絕後主獨得其譜樂工曹生亦善琵琶按譜粗得其聲  
而未盡善也后輒變易訛謬頗去注淫繁手新音清越可  
聽後主嘗演念家山舊曲后復作邀醉舞恨來遲新破皆



行于時中書舍人徐鉉聞霓裳羽衣曰法曲終慢而此聲太急何耶曹生曰其本實慢而宮中有人易之然非吉徵也歲餘周后子毋繼死後主國步浸微音之所起實由人心而暉緩唯殺治亂應之豈虛言乎后生三子皆秀疑其季仲宣德寧清峻后尤鍾愛自鞠祖之后既病仲宣甫四歲保育於別院忽違暴疾數日卒后聞之哀號顛仆遂致大漸後主朝夕視食藥非親嘗不進衣不解帶者累夕后雖病亟爽邁如常謂後主曰婢子多幸託質君門冒寵乘華凡十載矣女子之榮莫過於此所不足者子傷身歿無以報德遂以元宗所賜琵琶及常臂玉環親遺後主又自為書請薄葬越三日沐浴更衣粧自內含玉殂于瑤光殿

之西室時乾德二年十一月甲戌也享年二十九明年正

月壬午升靈柩于國寢後主哀苦骨立杖而後起之也

太自為詩曰天長地久嗟嗟燕氏嗜欲既勝悲歎糾

紛緣情攸宅解事來津賞盈世逸樂妙愁殷沉烏逞兔茂

夏凋春年彌念曠得故土新闕景頽岸世閱川奔外物交

感猶傷昔人詭夢高堂誕誇洛浦搆屈平虛亦憫終古况

我心摧興哀有地蒼蒼何辜殪予仇儷窈窕難追不祿于

世玉潤珠融頽然破碎柔儀俊德孤映鮮雙纖穠挺秀婉

變開揚艷不至治慧或無傷盤紳奚誠慎肅惟常環珮爰

節造次有章含顰發笑擢秀騰芳鬢雲留鑒眼彩飛光情

瀾春媚愛語風香瓊姿稟異金冶昭祥婉容無犯均教多



方茫茫獨逝捨我何鄉昔我新婚燕尔情好媒無勞辭筮  
無違報歸妹邀終咸交協兆俛仰同心綢繆是道執子之  
手與子偕老今也如何不終徃告嗚呼哀哉志心旣達孝  
愛克全殷勤柔擢力訴危言遺情眇眇哀淚漣漣何爲忍  
心覽此哀編絕艷易凋連城易脆實曰能容壯心是醉信  
羨堪餐朝飢是慰如何一旦同心曠世嗚呼哀哉豐才富  
藝女也克肖采戲傳能奕其逞妙媚動占相歌縈柔調茲  
設爰質竒器傳華翠虬一舉紅袖飛花情馳天降思棲雲  
涯發揚掩抑纖緊洪奢窮幽極致莫得微瑕審音者仰止  
達樂者興嗟曲演來遲破傳邀舞利撥迅手吟商逞羽制  
革常調法移往度前剪過繁態蕩成新矩霓裳舊曲翻音論

世失味齊音猶傷孔氏故國遺聲忍乎湮墜我稽其美尔  
揚其祕程度餘律重新雅製非子而誰誠吾有類今也則  
亡求從遐逝嗚呼哀哉該茲頌美鬱此芳風事傳遐禩人  
難與同式瞻虛館空尋所蹤追悼良時心存目憶景旭離  
蕩風和繡額燕燕交音洋洋接色蝶亂落花雨晴寒食接  
輦窮歡是宴是息含桃薦實畏日流空林雕晚籜遠舞踈  
紅煙輕麗服雲瑩脩容纖眉範月高髻凌風緝柔尔顏何  
樂靡從蟬響吟愁槐凋落怨四氣窮哀萃此秋晏我心無  
憂物莫能亂絃尔清商艷尔醉盼情如何其式歌且宴寒  
生惠慳雪舞蘭堂珠籠暮捲金爐夕香麗尔渥丹婉尔清  
揚猷猷夜飲了何尔忘年去年來殊歡逸賞不足光陰光



懷悵快如何倏然已爲曠曩嗚呼哀哉孰謂逝者在苒苒彌  
踈我思姝子永念猶初愛而不見我心燬如寒暑斯疚吾  
寧御諸嗚呼哀哉萬物無心風煙若故唯曰唯月以陰以  
雨事則依然人乎何所悄悄房櫳孰堪其處嗚呼哀哉佳  
名鎮在望月傷娥雙眸永隔見鏡無波皇皇望絕之心如之  
何草樹蒼蒼哀摧無際歷歷前勸多多遺致絲竹聲悄綺  
羅香香想煥乎怛怛恍越乎惟悴嗚呼哀哉歲云莫兮無  
相見期情贅亂兮誰將因依維昔之時兮亦如此維今之  
心兮不如斯嗚呼哀哉神之不仁兮斂怨爲德旣取我子  
兮又毀我室鏡重輪兮何年蘭釀香兮何日嗚呼哀哉天  
漫漫兮愁雲瞻空曖曖兮愁煙起娥眉寂寞兮閉佳城哀

悲氛兮竟徒尔嗚呼哀哉日月有時兮龜書旣許蕭韶  
咽兮旗常是舉龍輻一駕兮無來轅金屋千秋兮永無  
主嗚呼哀哉木交柯兮風索索鳥相鳴兮飛翼翼弔孤影  
兮孰我哀私自怜兮痛無極嗚呼哀哉應寤昔感兮何響  
不哀窮求弗獲兮此心墮摧號無聲兮何續神未逝兮長  
乘嗚呼哀哉杳杳香菟茫茫天步步披血撫襯邀子何所苟  
雲路之可窮冀傳情於方士嗚呼哀哉每於花朝月夕無  
不傷懷如又見桐花發舊枝一樓煙雨暮淒淒凭欄惆悵  
人誰會不覺潸然淚眼低層城無復見嬌姿佳節纏哀不  
自持空有當年舊煙月芙蓉池上哭娥眉皆因后作又嘗  
與后移植梅花于瑤光殿之西及花時而后已殂因成詩



見意曰慤勤移指地曲檻小欄邊共約重芳白還憂不盛  
妍阻風開步障乘月漑寒泉誰料花前後娥眉却不全此  
不特叙其幽思且以興內助之艱難而不得與之同樂又  
云失却煙花主東君自不知清香更何用猶發去年枝此  
足以見光景於人無情而人於景物不可認而有之也悲  
夫至於書靈筵手巾去浮生苦憔悴壯歲失嬋娟汗手遺  
香漬痕眉染黛煙書琵琶背去洗自肩如削難勝數縷條  
大香留鳳尾餘煖在檀槽觸物寓意類如此初烈祖爲刺  
史時后父宗給使左右及贊禪代尤爲親信元宗以宗爲  
社稷元老故聘其女爲吳王妃克相其夫顯於諸子而身  
若國母可謂賢也陵曰懿陵謚昭惠方是時南唐雖去帝

號而其餘前受尚未減損如元宗之葬猶稱皇帝故昭惠  
雖謂之國后而群臣國人皆稱曰皇后焉

後主繼室周后昭惠之母弟也警敏有才思神彩端靜后

之兒見昭惠感疾后常出入卧内而昭惠未之知也一日

因方帳前昭惠驚曰妹在此耶后幼未識嫌疑即以實告

曰既數日矣昭惠惡之返卧不復顧昭惠殂后未勝禮服

待年宮中明年鍾太后殂後主服喪故中宮位號久而未

正至開寶元年始議立后爲國后南唐享國日淺而三世

皆娶于藩邸故國主婚禮議者不一詔中書舍人徐鉉知

制誥潘佑與禮官參議鉉曰婚禮吉不用樂佑以爲今古

不相訛襲因請用樂鉉曰案古房樂無鍾鼓佑曲引詩窈



窈淑女鍾鼓樂之則房樂宜有鍾鼓后初見君後魏書有  
后先拜後起帝後拜先起之文鉉因此以為夫婦之禮人  
倫之本承祖宗主祭祀請答拜佑以為王者婚禮不可與  
庶人同請不答拜又車服之制互有矛盾議久不決後主  
令文安郡公徐遊評其是非時佑方寵用遊希旨奏佑為  
是既而遊病疽鉉戲謂人曰周孔亦有崇乎將納綵後主  
先令校鵝代白鴈被以文綉使衛書後靡不經類如此及  
親迎民庶觀者或登屋極至有墜瓦而斃者后自昭惠殂  
常在禁中後主樂府詞有袂濊步香階手提金縷鞋之類  
多傳于外至納后乃成禮而已翌日大醮群臣韓熙載以  
下皆為詩以諷焉而後主不之譴歸于京師去號位推

夫之爵太平興國三年隴西公薨周氏亦薨

後主保儀黃氏世為江夏人父守忠遇亂流徙相湖事馬  
氏為裨將馬希萼之難守忠死之邊鎮下湖南得黃氏甫  
數歲奇其貌內後宮後主即位選為保儀容態華麗冠絕  
當世顧即輦笑無不妍姣其書學伎能皆出於天性後主  
雖屬意會小周專房由是進御稀而品秩不加第以掌黑  
寶而已墨寶書黃氏服勤降體以事小周故同時美女率  
多遇害而黃氏獨不遭譴以其事之盡也初元宗後主皆  
妙於筆札博收古書有獻者厚賞之宮中圖籍萬卷尤多  
鍾王墨迹皆繫保儀所掌都城將陷後主謂黃氏曰此皆  
吾所寶惜城若不守即焚之無使散逸及城陷圖籍俱燬



靡有遺者黃氏隨後主俘至京師卒嗚呼魯文公成禮于  
齊春秋譏之謂其非婚姻之正也矧周氏御於宮中者數  
年然後以迎禮歸之吁可怪哉周官九嬪世婦女御有德  
則充否則闕焉故無常數而又掌于冢宰則知先王之所  
以治內至正而盡禮也後世德不勝色肆情敗度怨女以  
千數淫費以萬計况亂世乎以烈祖之英傑尚困於种氏  
牝雛之徵幾致家索元宗適丁兵革擾攘女謁之盛舊史  
不載觀其樂府艷麗則天機亦淺矣後主二周抑又甚焉  
故予悉書之皆不免為春秋之罪人也

徐主義祖長女也性嫺睦動循禮法嘗偃蹇擇配初義祖  
疑李德誠有式志德誠不自安因使其子建勳入謁義祖

義祖見之驚曰有子如此非惡人也以主妻之列祖受  
禪徐為郡公主建勳為宰相上章改時政許之建勳奏表  
曰制置大事若可以臣下請是以善歸己以過歸君也請  
宣中言行之表未報而建勳命中書舍人草制給事中常  
彥錫奏建勳專造制書烈祖大怒欲罷建勳徐主入謂烈  
祖曰吾父在日兄不嘗求兒與李郎耶何奔之速烈祖曰  
此國事也吾與李郎親舊如故召入禁中慰喻久之建勳  
致政賜號鍾山公徐主四時拜賜自稱鍾山老媪而  
所封郡國蓋將有所激也元宗優容之先建勳卒

永興公主烈祖女也烈祖為吳相秉政以女為吳世子璉  
妃及禪代宋齊丘請離其誓烈祖不許封永興公主人每



稱爲公主則流涕憤惋或問其故曰吾爲冢婦而庸不血  
食可不悲乎諸兄惡之烈祖曰內夫家而外父家婦人之  
德也何罪之有乃以吳世子爲中書令池州節度使璉卒  
主亦繼卒吳人哀之

嗚呼三代而下彤史詳矣南唐載籍䟽脫婦順女憲不可  
得而書也老媪之稱流涕之感其旨微哉

余洪妻鄭氏洪事王延政爲大將會南唐平建州鄭氏有  
殊色爲亂兵略取裨將王建封逼之鄭氏志不可奪劫以  
利刃亦不爲屈建封嗜人肉而略婦人百許人日殺一人  
以食引鄭示之曰汝懼乎鄭曰願早充庖爲幸多矣建封  
終不忍殺以獻查文徽文徽見之曰國色也將以薦於

鄭大罵曰王師弔伐凡義夫節婦宜加旌賞以勵風俗王  
司徒出於卒伍不識禮義且無足怪君侯知書爲國大將  
當有表率群下風化遠方乃欲加非禮於一婦人以呈其  
欲妾有死而已速殺爲惠徽大慙下令城中召其夫付之  
吳媪其先汴州浚儀人唐史臣兢之後也父志野義不食  
梁粟僑廬陵務德不曜媪生數歲口無戲言順奉姆教宛  
如夙授豪民段生五十而無子因以禮聘之歸段氏爲繼  
室生子暮月段生卒父母以其少而美俾移所天媪勢面  
自誓志不可奪抱孤嬰以奉舅姑匪憂温清皆躬爲之教  
其子爲成人而生業益厚韓熙載使江西錄其清節云



南唐書卷第六

南唐書

張氏

張氏

子初

張氏





